

乾隆元和縣志

元和縣志卷之二十四

人物

文震孟待詔徵明曾孫也初名從鼎字文起號湛待  
弱冠舉於鄉十上禮部至天啓二年成進士廷對  
第一授翰林修撰時太監魏忠賢擅權禁講學興  
黨議謀盡斥正人震孟上疏言勸政講學之實必  
君臣相對如家人父子則左右近習無緣可以蒙  
蔽又言空人國逐名賢不減唐宋清流僞學之禁  
云云忠賢覽之怒摘疏中語爲譏訕矯旨予杖輔

臣力救免得降調未幾以孫文身步天歌事株累削籍步天歌者哀熊廷弼詩也事見陳仁錫傳震孟未第時讀書竹塢中至是歸居吳趨之青瑤嶼與里中周忠介順昌及甥姚文毅希孟砥礪志節既忠介被逮震孟自度不免預經理家事俟緹騎至卽自裁後偶不及於禍崇禎改元復原官進中允諭德充日講兼纂修官其在講筵講君使臣以禮章反復規諷帝卽出尚書喬允升侍郎何世賞於獄一日講尚書五子之歌至爲人上者奈何不

敬帝時以足加膝問其語卽以袖掩之徐引下其  
嚴憚如此故事經筵缺春秋帝以有關治道命擇  
人進講震孟講至宰叵歸謂言叵位六卿之長而  
壞法亂紀自王朝始焉用彼相大臣爲之側目八  
年七月陞少詹事旋進禮部侍郎兼東閣大學士  
入閣辦事先是呂純如爲忠賢黨已定逆案後  
變結吏部欲借邊才起用震孟糾之與溫體仁不  
合繼又論挺擊紅丸移宮三案不合方謀中傷而  
未有隙既同入直因深畏侯之每擬旨必商之震

孟震孟疎畧不及防後借許譽卿事傾之遂落職  
許譽卿者故勛魏忠賢者也官給事中震孟欲用  
爲南太常體仁喉尚書謝陞誣譽卿通震孟姻親  
申紹芳營求美官體仁儼削譽卿籍震孟曰科道  
爲民極榮事也公玉成之矣體仁露章揭此語帝  
怒逐震孟歸在內閣止二閱月歸甫半載值姚希  
孟卒哭之慟未十日亦卒無恤典又明年詔復職  
贈官南渡後追諡文肅

亡錫字明卿別號芝臺世居大姚里少舉於鄉七

上春官不第天啓壬戌以第三人入翰林讀書東  
觀凡天官律歷方輿水利兵刑象數之學皆通之  
熹宗朝璫勢烈甚仁錫以講官重望會逆奄魏忠  
賢父子冒功求給鐵券使私人邀草詔詞仁錫奮  
曰頭可斷詔不可草由是觸逆奄怒居數日進士  
顧同寅生員孫文豸妖言獄起兩人皆太倉人也  
以步天歌悼熊廷弼爲兵馬司所捕御史門克新  
鉞鍊成獄詞連文震孟及仁錫先後削籍歸崇禎  
初起原官署國子司業爲文深醇簡潔三雍之士

一時爲之丕變年五十六卒謚文莊著書千餘卷  
藏於家

顧麒號桂里由海虞卜居葑門天賜莊闢明理學隱  
居教授負笈門下者多一時名士著有理學宗旨  
經史表微座右格言等集私謚文莊墓在葑門外

匠門塘受字圩

楊果撰  
誌銘

顧宗孟字巖叟世居天賜莊少孤讀書敏行事母以  
孝著萬歷己未成進士釋褐知浙江定海縣事縣  
盜常探丸相聚爲亂發伏摘奸殲其魁盜悉以

平天啓初以卓異徵入爲監察御史時璫禍猖熾  
三吳士大夫如周忠介忠毅兩公皆相繼被逮宗  
孟心傷力爲挽救幾陷不測無何而兩周公詔獄  
死乃嘆曰有老母在未敢以身殉也遂告歸歸之  
日母疾方甦躬親色養母性嚴毅歲時衣繡承歡  
小不適卽命杖猶作孺子泣有直指詣門門者入  
告適長跪北堂不敢起直指遂巡移晷爲歎息去  
年五十二以母喪哀毀卒私謚孝介

嚴桓字德威號公介文靖公訥之孫中翰治子也治



自常熟移家長洲之南倉橋遂爲長洲人桓幼喪  
母五歲繞文靖公膝見凡有伍行人傳就閱之文  
靖曰孺子何知桓曰易解耳篇中大義了然文靖  
奇之年十二補諸生纂述前聞聲譽日起所交皆  
當代名人如文閣學震孟姚宮詹希孟顧侍御宗  
孟相與晨夕切劘者也徐宮詹汧李侍御模後起  
而師事者也然諸公通籍後未嘗輕歎其門諸公  
有國事必就訪桓爲條分縷析不少隱試屢躡絕  
意利祿曰知遇可忘書不可不讀顏其齋曰問學

蒐歷代名賢理學經濟諸書至白鈞纂積百餘帙  
崇禎癸未沒年六十八

父祖文字叔經亦字完天祖名先嘉興人以減俸守  
邊功累陞都督僉事福建總兵請告後家長洲烏  
鵲橋之東子紱死於孝妻劉以節行稱祖文紱子  
也應世襲蘇州衛指揮不以讓於弟祖武讀書勵  
行爲諸生痛母氏苦節未揚居恒鬱鬱吏部郎周  
顯昌未習識祖文緣孝廉文震孟言重母行白之  
當事得題旌部牒下郡祖文始知感激泣下欲爲

吏部死未有路方吏部之忤璫被逮也吳民倉皇  
激變擊殺提綺大吏尋疏入告禍不測祖文念吏  
部此行且死誰左右之者潛詣被囚所同宿公廨  
中夜謂吏部曰公慷慨就道良善然事未可知脫  
有緩急誰可告者吾當先往爲地吏部曰徐銀臺

名如

肝膽照人必能濟事顧侍御

名宗

意氣不薄

可與計議外此則鹿定興

名善

范吳橋

名景

孫容

名奇

急難皆可相告祖文別去先走都下比吏

部嬰極刑入獄凡棘徑關納僮薦蓐吮瘡浣血一

一陰爲措置已懸昧三千三百幸得旦夕告宗  
或緩延百法何貸都下不足獨身走定興走吳橋  
走容城變姓名觸暑溽宵昏夜間關千餘里措跡  
稍就而吏部斃獄矣當是時奸黨欲盡殺止士羅  
網密布而祖文得脫於危幸也顧自念事不就又  
跋涉道路不及親視吏部每清夜感慟淚盡飲  
血聞者悽惻歸未幾緣哭吏部故勞悴憤滿發病  
死同時有永德升者名陞宣著孝行萬歷壬子與  
吏部同舉於鄉吏部被逮時陞宣晨夕省視同飲

食坐臥人以避朝諷之隆宜怡然自若後恤吏部  
家盡力毀後私諡孝介與祖文稱二朱先生

沙舜臣字子升由長洲籍補郡庠生素尚氣節當魏  
增矯旨逮吏部周順昌開讀時巡撫毛一鷺巡按  
徐吉及道府以下皆在士民全集舜臣偕諸生王  
節劉羽儀王景臯殷獻臣楊廷樞文震亨等直前  
謂一鷺曰今人情如此明公獨不爲青史計乎緩  
宣詔書據實上聞請撫按勘治惟明公責一鷺護  
應諸生更慷慨言曰微聞道路知事所繇起願明

公終始之一驚憤然曰諸生誦法孔子知君臣大義詔主卽君父在也敢羣聚而譁皆答曰豈唯君父二祖列宗實式憑焉諸生奉明公教萬一他日立朝遇此等事決當以死爭往復不決官旗激衆怒衆共擊之至有死者撫按草疏告變具獄後殺顏佩韋等五人黜王節等三人銅獄舜臣與焉璫敗後始釋舜臣事母孝與弟舜年舜民晨夕伺顏色問起居出門不敢越百里外時稱一門三孝云馬士鯉字雲達工鐫刻天啓間吳中爲魏闡建祠立

碑刻文須能手巡撫毛一鷺檄府縣飭士鯉鐫刻  
士鯉曰安民不列姓名故善然已污我手矣宵遁  
免後魏給事大中被逮過吳周吏部順昌欲以幼  
女字其孫倉卒無媒氏士鯉任之

朱學朱字用晦代居葑門中崇禎四年進士授南京  
工部主事管寶源局改雲南道監察御史巡按山  
東方學朱出巡章邱大兵破居庸城南下本兵楊  
嗣昌檄山東巡撫顏繼祖握兵移鎮德州大監高  
起潛擁重兵駐臨清名聲援實觀望也時遠近震

動濟南無守禦備學朱曰此藩屬重地吾雖無守  
土責然吾不死守誰當守者卽馳還與布政張秉  
文以下議守城閱城中兵止鄉兵五百及萊州援  
兵七百人皆不堪用學朱歎曰張空夸冒自刃事  
勢至此死無日矣移檄高起潛不發一兵先後七  
上疏皆留中學朱見無救兵至卽率士卒登陴設  
扞禦策檄州縣訓練民兵部署方定外國合凡三  
十餘日城中糧不給乞德王發帑金犒軍設佛郎  
機穴城墉向外轟擊復縱奇兵出戰長圍稍却越



九日城外添兵合圍矢石雲集明年正月二日黎明學朱與兵備道周之訓等守東南門忽報攻西北城甚急大兵肉薄爭上學朱躍馬循城而西持挺格鬪刃中於面被縛去不屈死於城樓之旌竿有頃城樓焚尸遂燼之訓亦死兵退學朱長子德寬抵濟南逼求父尸不得招魂以殮撫按累疏請卹奉旨覆勘次子德宜伏闕上書旨察議終不決方學朱官御史時曾劾楊嗣昌奪情請援兵時嗣昌在樞輔欲掣其肘故不報後議卹典久格而渡

後贈太常卿

顧繩詒字敬承葑門人其志仲子也崇禎庚午領鄉薦選授成都仁壽縣時流賊張獻忠破蜀據合城以繩詒循吏素得衆心遣人說之降繩詒大聲叱曰汝不識顧某爲何人吾恨不剗刀賊腹雪國恥顧從汝耶罵不絕口說者繩詒馳馬入學宮拜先聖復向闕拜自經死民感其義瘞龍腦橋側袁扉字雪封長洲諸生幼孤居祖喪盡誠盡禮廬墓三年母沒亦如之哭母氣息不屬兩目幾損或勸

之曰與其不及情毋寧過情予惡夫託先王之禮以文其涼薄也遺產悉付諸弟已與婦晨夕不給至摘馬蘭杞菊爲食婦亦無怨言族有五喪未舉者代爲營喪婦死終身不再娶後棄諸生入深山終著有世範錄易經闡解等書

周大啓字開美崇禎甲戌進士授黃州府推官有政聲後晉除知黃州府事時流寇披猖徃復屠掠全楚潰敗大啓至則黃州城已被毀矣乃召民負土竟月城完如故會遷提督學道百姓遮留不得遂

抵辰州大啓掌文事有權嘗聞賊兵至率土討兵  
及吏民計萬人逆賊於桃源賊不敢犯乃走蜀中  
中三月間變慟哭望關再拜不食死士民哀慟藁  
葬於辰州立祠祀之

盛王贊字子裁本吳江人後移居婁門年五十餘成  
進士令浙之蘭溪發摘如神鄰邑湯溪有奸徒聚  
衆引漳汀人抄掠令不能治巡撫檄王贊辦之比  
至服其威名卽解散去縛其魁三四人境內貼然  
素清苦自食粗糲妻布素衙齋中不輟紡織舉卓

吳第一入覲條地方利弊三事曰南糧曰驛遞曰盜賊上嘉之以此忤巡按王範意彈奏落職一日上語閣臣盛王贊何以被叅奏對不善事上官上曰此強項令也甲辰吳撫張國維乞爲東陽令國維東陽人也遂補官甫蒞任丁內艱歸晚歲不能具饘粥吳人過蘭溪遺愛祠見守祠僧徒寬然衣食曰盛公轉不如也

蔣鉉字伯玉蔣圩人弱冠食餼于庠講經濟學南刑部侍郎王心一知之深几軍國重務降心商確時

流寇蜂起朝命心一修留都所屬城費帑金數萬  
人役百萬餘工心一專委之鉉上不費國下不盡  
民功速而城完當路者知其才大司馬張國維撫  
吳尤敬禮以四方多難諮人材於鉉鉉薦布衣程  
周祐知勇可用卽以兵柄授之後於六合大破流  
寇國維寓書於鉉謂使寇不得渡江而南皆君薦  
士力也崇禎十二年詔舉賢良方正國維首薦鉉  
筮易得隨之明夷蹇然曰此何時尚不思韜聲匿  
迹耶稱疾不赴年七十六終於家

陳道立字企洋市里人於書無不讀尤喜論兵崇禎  
辛未流賊竄下巡撫張國維督師禦賊以道立爲  
記室有調度功賊退敘績題請不受

國朝初總督李延齡以人才薦不起晚年以詩酒自  
娛終

薄珏字子珏嘉興籍其學精微奧博莫測所授崇禎  
中流寇犯安慶巡撫張公國維令珏造銅砲砲發  
三十里每發一砲設千里鏡脉賊所在賊先後糜  
爛又製水車水銃地雷地雷弩等器殲賊殆盡張公

薦於朝不報退歸吳門蕭然蓬戶如枯僧也室中  
器具畢備操觚著書暇忽煅煉忽浪刻忽運斤嘗  
造渾天儀周圍不踰尺而日月之盈縮抗納星辰  
之宿離伏逆不爽累黍其法用直線分割圓輪以  
有定之角絜無定之邊東西南北遠至億萬里如  
在咫尺又論漢唐宋諸歷家推算獨推郭守敬授  
時歷爲是其名海外亦重之然卒以窮死所著有  
渾天儀圖說格物測地論等書

朱壽陽祖文子祖文故義士以身殉周忠介公之綱



者也壽陽少歲補府庠生世襲應得蘇州衛指揮  
讓於弟壽康死讓弟壽增使就官父有疾常割  
股肉代藥父沒一言行惟恐違曾祖都督先以禦  
倭寇功建專祠京口逆閹矯旨變易天下祠院都  
督祠亦在毀中壽陽負病匍匐泣訴當事當事憐  
之祠賴以存閹既誅郡縣以周忠介公故重其父  
推德其子贈官產五十畝弗受又贈金弗受人益  
重之顧生平有經世畧能言人所不敢言嘗條十  
七議於撫臣張國維時見採用崇禎壬午詔訪庠

序巖穴之士撫臣黃希憲徵等保舉知府陳宏謐  
以壽陽薦授五經博士不就崇禎末卒於家

尤挺秀字實甫代居斜塘孝友著鄉里歲大饑邑令  
聘主賑濟勤而不私全活無算地界吳淞金鏡湖  
之間素窪下遇潦歲民苦征輸請於令列版籍本  
區遠近蒙惠太守陳宏謐以其行舉鄉飲賓年八  
十二歿子淪字遠公置役田立義塚賑貸貧者能  
繼父志

沈璜字璧甫居虎邱之西長身顴頰類河朔間人垂

氣任俠往往急人之難嘗遊遼左督師袁崇煥是  
爲上賓督師吳殺島帥璜知爲失策卽辭去及督  
師罹重典酒闌燈地未嘗不聲悲淚下也亂後之  
烏日山夫婦爲兵所害

蔣若來字龍江婁門外人本名家子少歲無賴有大  
力人不敢忤視與故將角力故將負妻以女以故  
隸籍軍伍中時崇禎八年流賊連被河南江北諸  
縣皇陵燼高迎祥李自成徑去張獻中獨東園廬  
州舒城等處若來在舒城中城外連營數十里晝

夜急攻若來夜適守城有賊踰城上已及女牆  
見若來臥以矛刺若來中頰若來揮刃斫之賊渠  
墮城下若來隨躡身下斬賊渠連殺數從賊賊中  
遙見謂天上飛來一營大譁曰天神至矣拔營走  
衆賊營俱走若來乘勢殺賊而城中知賊已亂遂  
開門縱兵追逐比曉賊奔竄百里外爲官兵所殺  
及自相蹂躪死者遍野溝塍皆滿以若來爲首功  
流賊攻桐城無爲潛山太湖宿松諸城應天巡撫  
張國維禦之獻忠從英霍遁若來屢立戰功拔軍

伍中至叅將明年賊從間道犯安慶若來以八百  
人出戰敗走深塹中跳而上幾爲賊獲棄兜鍪雜  
卒伍中免時左良玉馬燭劉良佐合兵救之若來  
出奇兵接戰日晡不食赤手搏賊將擲賊所乘馬  
馬骨俱折遂大破賊賊走潛山之天王古塞國維  
移檄良玉搜山良玉不應等北去賊復出太湖連  
斬黃勢益熾會總兵牟文綬偕劉良佐來救若來  
藉二軍力大破賊賊始遁入湖廣以功拜右都督  
府守安慶十五年獻忠陷舒城若來又戰敗奉旨

帶罪立功是年秋偕黃得功劉良佐復大破賊於  
潛山復原官賜王帶仍守安慶後

土師定鼎所遣臣服若來曰我以匹夫受天子厚恩  
安能事兩朝作再醮婦耶召諸將至與痛飲曰諸  
公好爲之各人做各人事不相強也呼愛妾出手  
之遂自殺於坐上

楊廷樞字維十一字復庵成孫大濠子也崇禎庚午  
舉鄉試第一時東林之後繼以復社學士大夫相  
與砥礪名行而廷樞尤以一代文章節義爲已任

宏獎風流激揚清濁海內之士視其言論風旨以爲輕重負篋而遊者數千人有東南夫子之稱又與同里徐汧婁東張溥張永並稱臯里吳趨西銘南郭四先生臯里廷樞所居也周忠介被逮廷樞身左右之幾被禍弗恤也顧秉謙品純如韋以逆案廢歸廷樞力持清議使不得與鄉之士大失齒阮大鍼居金陵復社之士爲南都防亂揭廷樞曰此當如顧秉謙已事在一鄉則一鄉攻之耳不必廣江楚閩浙人以示之黨大鍼聞急遣使乞哀

求解廷樞曰吾所言者國體耳豈庇大鉞耶山是大鉞深銜之南都後大鉞得志慘宿怨構大獄或勸廷樞稍委蛇以自解廷樞曰修身俟命儉德避難他非所知也甲申間變北向慟哭誓以死赴乙酉廬墓鄧尉山不復入城市丁亥被難抗辭不屈死甚烈有絕命詞十二首書之衣幅激烈悲壯與正氣歌比埒學者私謚忠文先生弟廷禎字公幹少爲諸生與兄齊名早卒子无咎字震伯方廷樞殉難時甫十二歲旣長曰先君大故恨未從死自



是杜門隱居歷八十年不改初服與澗上徐枋  
山朱用純皆勸首陽之節時稱三高士云年八十  
九卒私謚正孝

許瑛字玉仲吳縣諸生長洲甫里人自勵志節崇禎  
十七年三月流賊破京師思陵殉社稷問至諸生  
臨明倫堂瑛衰杖擗踊盡哀已南都顏監國詔而  
哀詔未頒又詔中無討賊意瑛憤甚走訴大姓謀  
倡義舉兵無應者益憤白經於福濟觀道士解救  
不死復沈於胥江時潞王奔吳將適越泊舟胥江

令人扶救之琰年爲監責以爲南方義士合兵討賊王亂以他辭不應琰厲聲曰浹江左一秀才耳平日誦聖賢書尚知君父之讐不共戴天王爲天子懿親八與天子共起居出分天子社稷之寄一旦國破君亡不思恢復何面目見二祖列宗耶王不應琰知王無復仇意乃推胸曰死耳躍入江隣舟復救之昇至家家人日夕守不得死等聞哀詔至卽庭中稽首號慟遂絕粒妻趙携幼子泣勸之食飲以湯琰自嚼其舌嚙血被而及肢體自書

崇禎聖上四字凡數處七日死學者私謚潛忠先生祀旌忠祠

顧所受字東吾長洲生與許琰善聞琰死往哭曰公死矣後死者其誰與歸及南都擁立君臣偷安柄國者漁鰥色營苞苴黨邪害正所受居常憤憤時醫臂出血明年

王師渡江崩角恐後所受請琰殯告曰受所以不死者欲有所俟以成公志也今已矣敢不從公地下至學宮拜先聖訖投泮池中死暴尸烈日中神色

如生

頃維襄長洲生喜談古今忠烈崇禎甲申四月帝幽  
問至吳諸生哭於郡學直指周一敬謁廟衣緋衣  
鳴金呵殿揚揚而來諸生中有黥而長者爲張長  
淵與繼襄前數直指曰此乾坤何等時猶服此服  
耶指明倫堂額示之橈其義直指惶悚然猶稱流  
寇爲西兵繼襄唾曰逆賊逆天犯上凡帶毛髮含  
血氣者皆欲食賊之肉公稱如敵國意何爲直指  
不敢對遂巡去兩人歎曰祖宗養士三百年今高

爵厚祿者如此大事可知矣是夜誤傳長淵自經  
維寔曰我不可後越五日經於祖墓前古松樹下  
長淵雖未死然終其身亦不辱志行

許王家字君聘蘇州郡學生國變隱居搆城有吏趣  
之出封利劍一示以期曰不出卽死王家曰死分  
也吾固甘之或勸王家謂君一諸生未食天祿何  
遽以身殉王家曰君臣之義豈論仕不仕耶吾讀  
孔子書殺身成仁求生害仁已講之熟公等勿復  
言以父母屬妻顧曰爾善事堂上吾不能終養矣

父母知志不可奪舍弟謂曰 文志勿 我二

人王宋肅衣冠再拜赴湖水死年二十九

湯博禮字卿謀比部元洲子雖爲貴公子高才生而

庭訓志趣各殊恒悒悒不自得善詩歌得昌谷體

年二十五甲申之變感憤死婦丁哀慟越宿死有

湘中草行世

鄭敷教字士敬名儒光宙子湛深經術天啓中吳中

倡爲文社相祇備其時年需太倉推張溥張采常

熟推錢樞楊彝華亭推陳子龍夏允彝吳中推楊

廷樞劉晴而敷教掉鞅其間分主五經文字之選  
崇正庚午廷樞解南畿敷教與張溥陳子龍夏允  
彝同舉於鄉一時文風士氣爲之丕變後加寔廣  
於是雲間幾社浙西聞社金陵南社歷亭席社崑  
陽雲簪社山左大社統會於吳號爲復社聲氣之  
爭應於千里而黨人之禍將作矣思陵慮風俗之  
弊由於士習而閣臣希旨奏溥等樹黨挾持讒言  
罔極禍幾不測至崇禎十五年御史金毓峒給事  
中美採各上疏自其事始奉旨不以語言文字罪

人社局稍定而溥與敷教等始出京院臥王南鄉  
時阮大鍼等復翻舊案吳中諸名士幾顛於危而  
敷教等絕無悔尤適甘如飴半敷教生徒之盛亞  
於廷樞而韜光養晦卒以自全可謂明哲保身者  
矣年七十卒於家門人私謚貞猷先生子之謨字  
仙發長庠生貫穿經史學顧庚午有房考潛還  
關節之謾恥以非禮進謝之竟不赴闕南渡後  
隱居養親述作自命不媿  
清門後云



許元溥字孟宏甫里人父中書舍人自昌以讀書起家溥少穎異崇禎庚午舉於鄉時東南名士倡爲文社爭欲得溥溥所選古今文皆有典則甲申後遂不應試時蘭蕪菊賓客到門相與賦詩輒譙留精款洽蕭然煙水間而已年五十卒

陸坦字履長父嘉穎居閩門外山塘嘉穎以吏起家力於爲善有硯癖自號硯隱坦生時嘉穎夢石化爲龍長而讀書有骨幹舉崇禎庚午鄉試與楊廷區鄭敷教許元溥稱吳門四孝廉俱以名義自持

爲鄉里清議所宗主然不事能激多陰行善成饑  
疫攜並起郡守屬坦設法賑濟有困糴者坦率里  
中人長跪請開糴者感動飢民率賴以濟有少子  
與鄰兒戲倚右目遂以死隣父恐棄其家遁坦使  
人招之歸曰吾子死於命非若子過也其仁厚如  
此坦申選南豐令不就熙寧初鄧尉間年六十餘  
卒

吳适字幼洪少穎異從楊忠文廷樞受學中崇禎丁  
丑進士釋褐除衢州司李決冤獄多所平反以卓

異徵戶科給事中時遭喪亂馬阮秉政羣小叢集  
閣臣姜曰廣御史劉宗周相繼去迺憤激極言老  
臣淪棄可惜而勲臣趙之龍薦舉匪人壅遏言路  
特疏糾之先是迺進兵科總兵寧南侯左良玉方  
與馬阮交惡舉兵焚武昌以清君側爲名忌者謂  
出迺意又以迺薦侍郎楊鶴疏中有與良玉忼慨  
同仇語爲証遂下於理於是逆黨諸臣爭欲殺之  
而南都已不守明遂亡矣歸田後治西園讀書年  
衆不勸軒自謂有契於孟氏之旨五十卒

家

張拱端字孟恭父度昭勇將軍原籍山西太原官於  
炎樂其風土因家焉拱端聰穎絕人過目成誦爲  
諸生好奇任俠遊楊忠文徐文靖之門稱入室弟  
子後應辟授職方主事遘國變楊徐皆殉節拱端  
遂逃於禪易名興機以其字授二子七女皆工詩  
善畫築別墅虎邱栖隱其間晚歲失明年九十餘  
卒有孤雲集

華壯與字方雷虎邱山塘人名諸生相貌奇偉膂力

過人當明季多難嘗慷慨激發有枕戈擊楫之志  
甲申後從主將邵於軍臨陣江上力戰死之

葉襄字聖野少穎敏父教授江左從母受學母張賢  
母也論襄曰子瞻年穉弗克從明允以遊學邵原  
家貧復弗能入鄉塾以從師奈何襄聞命銳志經  
學爲名諸生時楊忠文廷樞聯復社吳中襄執經  
稱高弟子而襄之名日上甲申後高隱不出詩屏  
鍾譚餘論嚴持科律一以唐人爲師

陸世壘字彥修陳墓人崇禎己卯登鄉薦鼎革後不

壯公車布袍襪屨近跡湖濱詩酒山水自放與  
世人少交接獨喜同里後進陳載錫字三卿  
邑諸生敦厚孝友撫孤姪景秀飲食教誨踰已  
後景秀成進士載錫卒景秀服三年喪載錫著有  
雲間草堂詩

文瑜字潤甫工畫山水不出一家生平無定居或  
寓結草庵或東禪寺竹堂寺蠶香枕若到處自墮  
每日二童子侍側一供磨墨一供滌硯俱通畫理  
有以勢力索取者命童子點筆應付之太倉吳梅

村作畫中九友歌文瑜與焉女夫俞絲亦以畫名  
蔣錢字仲雄隱居吳淞間以詩名專工樂府古詩以  
寄其慷慨諷諭之意

可以識其品槩矣

蔣獻陞字君玉高州守彬孫一駿子也有至性母久  
臥病奉醫藥三年無倦色母歿哀毀骨立幾成廢  
疾父感動遂不再娶既父歿時祖母年七十八有  
出疾獻陞恐傷其心每哭泣不敢出聲而枕席

血痕常斑然祖母嘗謂人曰吾子不至曾  
號獨憂者賴此孫也未幾冠時登岸序鼎革後  
築室深山中惟以讀書著述為業山中人亦罕見  
其面年八十二卒著有禮記萃珠詩經題箋見聞  
訓等書

文從昌字順之號南岳至性也人事父母以孝聞父  
疾中夜額天黎明叩額郡廟數十日無間母性嚴  
時或微色發聲則長跪以請俟霽顏後已為人質  
直無矯飾天資敏捷古文詞畫皆得大意搆畫白



堂于忠烈祠旁植花栽竹優遊樂志以終

國朝

顧廷珩字佩堅長洲生父繩詒崇禎末知蜀之仁壽  
縣張獻忠破成都不屈死天下既定廷珩孑身入  
蜀遇川水暴漲幾死絕粒數日幾死遇強梁遭射  
虎墜深淵幾死閱四寒暑始扶輿歸方廷珩之成  
都不知父瘞強處呼號路側誓不欲坐由遵義民  
訪殷繼周黃珪由殷繼周黃珪訪文運由文運訪  
曾大禮始得之龍腦橋側廬墓數月哀感行路往

返萬四千餘里抵里門縣志云劉龍光字英  
蕭父廷謬官益王長史嗣初遣使不遇龍光方病  
至盱江故人無在者禱於巫令公之神夢中告曰  
石滌一語然不知所謂久之遇一女僧云石滌在  
閩廣交方今阻兵須問道可達龍光冒死踰石  
嶺而下果得母於石滌中名見娘村宋時孝  
子王龍山見母處父已先一年沒矣奉母扶櫬歸  
孝養十餘年母沒

彭行先字務敏號貽令晚居東坡之竹堂一號竹里

老人父汝諧萬歷丙辰進士未釋褐卒行先其仲  
子也生而端慤不苟言笑稍長通六書誦五經崇  
禎末拔貢生謁選考授縣令甲申後志不求進獨  
肆力於古文辭雅善書法尤習前朝典故對客娓娓  
以爲常已而從孫定求以第一人及第未幾孤  
孫寧求又以第三人入翰林門第華耀行先日夕  
鍵戶謝賓客湯公斌開府吳中命有司延致固辭  
致書幣亦不輕受報謁年九十二以壽終

徐汝璞字我石號雪漁周莊鎮人敦孝友嗜讀書寄

情歌詠所居近白蜺江與吳二弟葉炳庭常  
出沒濤浪間見者疑陸天隨張志和也弟汝珍字  
大玉好任俠應試留部常揮千金結四方名流因與  
貴池吳次尾常州陳定生善馬阮欲殺二人幾及  
之汝璞乃匿其弟避跡吳山中足跡不入城府長  
歌短韻放浪傲睨以終所有塞齋集松陵詩選  
年七十二卒高人吳之紀志其墓

顧鰲吳縣人順治改元方二歲父仲常與金瑞夫博  
金不勝以刃刺仲常脇仲常以手奉脅歸曰殺我

者金瑞夫言訖死時

王師初下江無可控理鰲稍長詢父死狀母告之  
卽市一利刃淬之挾以出入中夜念父每號慟嘗  
覆影自言汝爲帶毛髮男子不復饑無以立天地  
間母輒止之曰金橫暴鄉里汝年小勿以命試也  
金微聞心動出入謹避之辛丑冬金跨馬行胥口  
塘鰲卒遇尾其後行金顧見鰲欲加策疾馳鰲跳  
踴刺之金中傷下馬投入水鰲亦投入水連刺傷  
額金奪鰲刃亦刺鰲俱死於水寺僧救之俱死金

誣以盜賄於官將具獄兵備下紀訖得實謂既殺  
其父又誣其子雖經屢赦罪不宥巡撫韓世琦上  
聞斬金於市釐移居封門之楊枝塘年三十餘而  
死

范可詢字問之系出文正公爲郎中房十八世孫生  
有至行悉以遺貲讓弟屏居白公堤畔爲人樂易  
未嘗失色於人文正有瞻族義莊族衆推舉爲堤  
管竭心經理三十餘年族賴以賜有同事乾沒義  
租公私交累毅然傾產代爲之償康熙壬申歲可

年六十七矣督修天平山祖廟不辭勞瘁病腸  
卒族人德之配食文正書院及忠烈廟子彌勲號  
漁莊太學生授職不仕克承先志以勤儉起家積  
貲田千畝易簣時遺命其子瑤盡數入義莊用廣  
文正遺澤雍正八年江蘇巡撫尹公上其事

世宗憲皇帝詔旨旌獎擢瑤刑部員外出知山西大同  
府事族人復公建專祠祀彌勲于文正書院事在  
相國茹文敏公記中可詢一門父子祖孫可謂無  
忝世德者矣

褚篆字蒼書長洲生遠於經學年既老同學者半爲  
古人而篆以前明遺老抱遺經待人叩問時比之  
伏生申公所居松吟堂不達市廛翛然若人世外  
前人碑版羅列棐几暇則作書求者必應已卯歲

聖祖仁皇帝南巡

召見行在書行草各一幅

上嘉獎賜海鶴風姿四大字以榮之時篆年九十有

三又一年考終

顧苓字云美太僕卿存仁後錢戶讀書潛心篆隸學



家多載籍專工博雅凡金石碑版以及鼎彝刀尺  
款識蟲魚蠅蚪之書皆能誦之晚而篆隸益精臨  
摹秦漢牙章玉印砢然奏刀見者以爲高出趙子  
昂吾士行文三橋也所居虎邱山塘蕭然敝廬中  
懸思陵御書時肅衣冠再拜欬歔太息識者知其  
困鬱不舒絕匿名迹有以也女一妻壘稼軒式郭  
子易其名姓俾脫於禍人尤高之著有塔影園稿  
六卷

朱宓字御之初名德寬侍御學朱長子侍御殉難山

東必年纔弱冠是跌達濟南嶽嶺以兵火後積骸  
成莽育小吏指侍御遇害處從其言徧求灰燼中  
刺血滴骸骨晝夜號泣終不得通招魂以歛等伏  
闕請恤哀動勸座既長偕兩弟發憤力學順治戊  
子弟德宜舉南闈辛卯弟德宏舉北闈乙未德宜  
成進士旋列禁近躋卿貳司必至康熙丁巳舉順  
天試蓋至是數入棘闕矣歲甲子子廣業令直隸  
臨城值大旱民懸正額必典遺產代民償逋兼設  
粥賑濟民德之爲立功德祠廣業字性存由汝貢

生仕至濟東道祀名宦

章在茲字素文吳縣諸生家長洲之濂溪坊崇禎間  
文社盛在茲卽有名於時操經義選政

國朝辛卯壬辰以後清音選本行天下每行卷房書  
出各省賈人先納直坊間必待清音乃去坊人具  
幣聘盛供給如待神明有時序文旣發偶爲婢僕  
所留必厚餽劇讌而後得還家之盛自周介生范  
文白以來未有及清音者也然在茲久困諸生丁  
酉始中副榜入成均謁大司成於彝倫堂大司成

係吳中同社友向以文字見稱受在茲議彈改定  
者故嚴峻其禮以愧之在茲憂氣雖抑嘗言李廣  
不侯而李蔡侯真咄咄怪事方謁選病卒

彭寵字雲客荊門人中順治丁酉順天試己亥成進  
士授廣東長寧縣未幾去官少歲耽玩理學以居  
敬窮理括大學宗旨以戒謹慎獨括中庸宗旨教  
授學者月朔望課文文星閣下遠近至者三百餘  
人每科得儒士林林相望受業者亦皆敦尚名教  
不事跖施不問知爲彭先生弟子也年七十七沒

子貴贈國子司業

宋德宏字時三順治辛卯舉人重交遊慨前明復社  
爲溫體仁阮大鍼諸奸掎摯名賢淪喪思繼續盛  
事與彭進士瓏吳廣文愉偕兄舉人德宏大學士  
德宜舉慎交社四方來吳者適館授餐傾產弗靳  
爲文醞釀深厚設教城南生徒雲集時方之河汾  
之門歿年三十四門人私謚正誼先生以子定業  
貴贈兵部武庫司郎中

蔣德峻字公遜順治辛丑進士性至孝父病割股療

之父卒哀毀至極入都遇盜劫去人皆被劫德  
堦僅免存白金數十兩分給一人爲置襦袂八排  
屨而別歲飢傾家賑濟全活數千人月給緡錢爲  
乳嬰費施絮施棺埋齒掩骼每歲無筭臨平以腴  
田百三十畝爲義莊以贍族以百二十畝助於育  
嬰堂里人感其義請之有司建祠春秋祀享仲兒  
維城字公表醇朴孝友與弟德堦並善事父兄家  
庭之內融融樂易父卒盡哀兄歿撫孤二人至性  
如一凡置產贍宗捐田育嬰及歲歉賑飢諸善行

若璫篋之唱和焉年六十餘猶應舉不第以明經  
學博終其身

張慶孫字曾餘世居嘉定父慎德徙郡城之東偏以  
儒教授故爲長洲人慶孫讀父書廬於匠門溪上  
老樹扶疎清流蔭席聚生徒說經曉暢厥旨後徒  
益衆常臨溪買魚借圃植蔬以給都養舉甲午鄉  
試旋以逋稅罪謫屏不得與南宮試晚年益以賦  
詩課子爲事年六十有二卒弟子稱之曰履素先  
生有尙書集要倡蛩齋集

汪琬字茗文號鈍翁乙未進士授戶部主事旋爲員外郎遷西城兵馬司己酉分司大通橋推龍江關稅務家居十餘載以博學宏詞徵授翰林院編修與修明史琬宦不達浮沉郎署入史館者無幾時而直節峻望爲清議所宗詩文稱一代作者與新城王阮亭中州湯潛菴八梁梁曰緄苑陵施愚山輩切劘砥礪蘊藉深醇精嚴法律本朝數十年來以古文名家者未能或先也性伉直不容人過人皆嚴憚之中歲解組隱居堯峯山麓徵辟後又



葺山塘別業所謂邱南小隱者居之著有類稿續稿堯峯文少卒年六十七私謚文清先生其著籍弟子顧希詰計炳董文琛侯官林佶爲立祠邱南尤洞字展成號悔菴晚自稱西堂老人居城東葺門侗生而警敏博聞強記有才名以貢謁選除永平府司李以法繩旗丁降調後以博學宏詞徵授翰林檢討直史館旋告歸侗才情於麗風流宏長和易近人不爲崖岸後進以詩文繼素請者必滿其志去八咸樂就之已卯

天子南巡召見行樂

御書鶴酒堂匾賜之卽家晉侍講時年已八十有  
矣先是侗清詞麗句流傳禁庭

草皇帝有真才子之目而

聖祖亦以老名士重之晚而刊落才華歸於平澹識者  
謂元之楊鐵崖差足相仿云

許定升字升年一字香谷甫里人生而敦樸有文甲  
午舉於鄉中乙榜例得教非其志也朝門讀書二  
十年謁選得阜城令阜城頻值歲饑民持男女易

斗米升設法賑濟民賴以食邑多盜小不稔卽劫掠賈客謂之響馬不可究詰升下車廉得其巢窟縛什伍杖殺之民賴以安居官公廉出入惟駑騎以一隸自隨曰民力幾何而事呵殿爲後挂冠歸值歲凶特設粥以食餓者里中子某旣許助百石矣已而悔吝不與衆將賠之升曰本欲活人而躡一家不可我尙有薄田二頃無慮也卒盡斥賣以爲設粥費餘如育嬰卹樁諸善事歲必舉行鄉人至今稱道之子廷鑑字子遜工詩康熙庚子順天

舉人爲福建武平縣知縣有廉惠聲

沈欽圻字得輿長洲生與朱隗金俊明葉襄以文章  
氣誼有聲壇坫思陵徇社稷福王南渡時事不可  
爲隱居葑溪之竹墩布衣藜杖以老好赴人緩急  
有點者除夕叩門云被劫掠非數十金不能治裝  
歸盡檢橐中金與之旣知其僞童僕竊笑曰吾以  
不欺待人不逆其誑也工詩初撫劉隨州中更衰  
亂師杜少陵晚出入樂天劍南陸太僕世廉極心  
折焉暮年几不給晨夕怡然自得荒圃一區遍藝

名卉親汲水灌畦爲樂以孫德潛貴贈內閣學士  
兼禮部侍郎

元和縣志卷之二十五

人物

宋實穎字旣庭元萬戶候選之裔世居楓江實穎少孤事母孝家貧力學年弱冠卽以文受知於徐官詹汧辛卯舉京兆諸公卿傾倒攝席後以江南奏銷案呈誤不與會試己未以博學鴻詞薦尋罷歸久之授揚州興化縣教諭實穎宅心和惠獎拔後進如不及講論經籍必津津盡其源流相國文恪公與實穎故布衣兄弟而商邱漫堂開府吳中亦

兄事之桑梓利弊必爲盡所欲言三吳後進遊其門者比於宋之胡安定元之吳草廬云年八十五卒著有易老軒文集

吳愉字敬生世主泰伯祀端慤有度言規行矩長於博士業老屋一區授徒數十輩嘗占五經爲課每當省會試與羣弟子磨丹握槊日夜爲雒生誦試畢索閱闌牘決若者雋若者連雋不爽毫黍而愉獨屢試屢否以故羣弟子登三事躋六卿者幾滿朝列愉僅以歲貢循資晚授江寧府溧水縣司訓

怡深於性命之學故能致口以安不與物競視世  
之走奔利希苟得者未能以彼而易此也年八十  
卒私謚端仁先生

施敬先字爾恭號夢劬新橋巷人順治辛卯鄉試  
性嗜學博極群書與兄學先相師友生平以著述  
爲業而尚書講義性理摘要尤足羽翼宋儒教授  
及門比於摯恂鄭衆姪震銓中康熙乙卯鄉試第  
一戊辰成進士館選改戶部員外郎四方傳誦其  
文不知稟承家學由諸父之陶鑄者深也孫瀛升



字士登敦行工文交朋忠信尤重師門嘗受業於  
汪編修琬琬歿有顯者欺其孤子瀛升爲之辨誣  
不以勢要少沮云

歸聖脉字薪傳號莪庵彝亭里人生八月父文達卒  
母陳苦節撫育未弱冠淹貫典籍爲長洲學生發  
聞於時弟子受經者自千里外至諸當事重其名  
所節承欽晚歲聘修蘇州府志長吳二邑志不謬  
是非並稱多聞聖脉承母氏教志在表揚母節陳  
情大吏輒痛哭失聲大吏感其誠得具題旌表

母節子孝一時並稱

陸在新字蔚文少爲名諸生長於制舉學丙午舉於鄉授松江府學教授以巡撫湯公斌薦知吉安府廬陵縣公廉有聲慈惠兼至歲儉不加鞭扑至貧墊千餘金卒之日民相聚痛哭爲歛錢以償弟子彭定求爲作傳并銘其墓

顧天朗字開一事母至孝順治丙戌中乙榜補官學教習考授縣令以母老不就也子泚貴屢受賜封天朗愈益謙謹庚午春母病侍疾積瘁及母歿一

勤而絕時人謂之死孝癸未

聖祖南巡賜

御書孝靖二字專祀虎邱山塘

韓莢字元少別字慕廬家於襄門從祖世能官禮部  
侍郎祖治父馥世有文行莢年從父受學讀  
書丙舍徒步往來西山間研精經史貫穿百家不  
屑爲俗儒章句剽竊之學已而孤貧益棲學益勵  
然文多與世齟齬而莢亦不味其格也婦翁李挈  
之北遊壬子薦京兆明年癸丑試禮部第一時逆

藩已露叛萌莢殿試策指切儆如費量

天子爲之動容復以第一人及第本朝制科連擢  
會狀者自莢始也初制科之文士于承明率餘習  
頗傷繁縟後降而爲空疎浮滑自莢出而文風翕  
然丕變在翰林十餘年以學士請假里居築寒碧  
齋仍鍵戶讀書有終焉之志歲甲戌特召還朝  
上御乾清門溫語稠疊充修一統志總裁及平定方  
畧政治典訓凡館閣制誥饒歌郊祀諸作多出莢  
手擢少宰掌翰林院教習庶吉士旋晉大宗伯天

下想望風采僉謂旦夕宣麻而莢尋以病卒年六十有八著南懷堂集二十卷詩六卷乾隆十七年二月

皇上念莢種學績文湛深經術追謚文懿

尤何字是中號貞巖倬字卓人號慵庵桐之弟何遠宦永平諸弟家居奉親讀書兄弟相師友壬子何舉於鄉倬自課益力及何教諭縣縣以課士最授神木令神木隸山陝與蒙古接壤地僻民悍黍麥小歉卽盜賊竊發官吏捕之竄匿界外號爲難治

何救菑賑飢用恩執法而...  
賴以淳盡瘁卒官幾無以殮...  
學凡性理四子書及明儒講解靡不省錄兄侗及  
兄子珍父子官翰林地望通顯而倬不改儒素不  
以門閥自炫也年八十以歲貢授訓導又四年終  
於家

彭定求字凝祉號訪濂稟承家學鍵戶揣摩千子舉  
於鄉丙辰會試第一及對策復賜第一授翰林院  
修撰除國子司業性好樸素不事營進官太學數

年知名士有貢入者必與講論周旋洞徹義理不  
給者常減俸錢以資薪爨一紵袍數年不易也晚  
歲家居葺舍傍蘭園數椽課子孫其中自號南畝  
老人學宮圯壞必倡舉集金修治之先賢徐文靖  
公舊祠虎邱圯廢爲立祠學宮以祀之及刻王仁  
孝先生遺集節刻中州湯潛庵先生諸書民間政  
事有不便者必言於官請罷之

天子南巡定求見行宮命纂修全唐詩總裁晉侍  
講年七十餘卒雍正丁未孫啓豐復會試第一對

秉第一祖孫繩武後先濟美實熙朝之盛事也  
彭寧求字文治號瞻庭少孤事母孝不輟於學康熙  
壬戌舉進士對策賜第三人授翰林院編修恬澹  
寡欲章句之外工古文辭善晉唐小楷及宋元詩  
居母喪朝夕哭泣總幕之外羅列禮經編纂成帙  
衰麻纓屨未嘗入寢服闋至都補中允分纂殿閣  
諸書又疲於應教家貧不能延記室心血枯瘁年  
五十卒於官

馮勗字方寅號勉曾葑溪里人家貧業儒父六皆遠



館闕地已而耿逆亂闕中父客死古田勗南望長  
號道路阻絕祖及母復相踵歿幾不能辦衾殮勗  
仰天歎曰勗挺此七尺學書學劍何自誤如此遂  
布衣徒步入長安時徵博學鴻詞四方名士以薦  
集輦下者雲合勗廁焉 召試體仁閣竟得第授  
翰林院檢討卽請假歸道武夷過仙霞關入古田  
縣時耿逆初平暴骸如莽父櫬寄一破寺中寺僧  
已前死遺櫬縱橫未得其處勗伏地痛哭哀動行  
路忽有老人曰牆西有半寸釘者是諦視則題識

宛然遂扶以歸年六十餘之優游十餘年卒  
沈鍾彥字美初欽圻子性仁孝欽圻臨歿囑曰吾家  
德薄富貴功名不汝望願讀書自好鄉里稱善人  
鍾彥守父訓一言一行必於道義春秋祭享每泣  
告曰大人遺命兒終身不敢忘家貧積館穀營葬  
父母有贏餘撫恤族中孤寡周濟鄉黨死喪患難  
少歲留心繪事篆刻興到時復成詩後專工分隸  
一波一磔神與古會唐以下不加貶斥宗法實在  
漢人待友誠實不欺所交皆一時耆碩嘗病甚諸

夙老成來侍湯藥馮檢討勗作祝文禱於神乃愈  
此信友之徵也以子德潛貴贈內閣學士兼禮部  
侍郎

文揆字賓日晚自號洗心翁和州教授嘉之曾孫清  
修古行非祖父書弗讀門無熱客所交多鄉里耆  
舊焚香啜茗討論文史有襍襍客請見頓叩門弗  
應也凡漢魏唐宋諸文集及國朝典故山經地  
理等書率常手錄詩學高岑每自矜貴不輕舉人  
而人無不傾心者數吳中文獻每屈指揆可謂不

魏清門矣

尤珍字慧珠晚號滄湄居士侍講侗子也康熙壬戌成進士入史館癸酉遷右贊善甲戌乞養歸時年四十有九扶持杖履耽玩林石補南陔白華以見志不復出矣年七十四卒少歲論詩以嚴滄浪明前後七子爲歸歸田後嗜宋蘇端明陸劔南曰二公說盡道理也有滄湄詩鈔介峯劄記多饒實近乎道者

金居敬字穀似長洲生少負才名遊京師三十年風

歐陽屋乙丑成進士年已暮矣謁選得山西之靈  
邱入吏決和未幾卒於官居敬煥於經史八大家  
文爲制舉業獨取法歸震川故其文淳泓滂湃不  
顧世俗而其生平艱於遇合困於小官亦類震川  
湯傳桀字子方困童子試二十七補長洲弟子員康  
熙甲子舉於鄉戊辰捷南宮除福建清流縣戶繁  
俗驕號稱難治而遠鄉若夢溪芹溪炭山羅邨諸  
民積歲抗賦下車後除里甲陋規夫船驛騷悉歸  
官辦民漸悅服至是降騎往夢溪等處播告大義

民大覺悟輸賦者相望於道有命案連坐者畏囑  
遠竄眾競指爲元兇傳渠微行廉之罪人乃獲六  
年邑稱治時母氏春秋高就養官舍終不自適因  
乞身歸曰以章服養何如以綵服養也抵里門從  
學者衆屹屹著書成明儒大全與前所纂四書合  
叅春秋講義並行於世戊子侍母疾心力俱瘁卒  
從子萬煌字子明亦以文行名

張孝時字嘉錫篤於孝友少講明經學久困童子試  
以吳縣籍補弟子員已三十有八矣越四年丁卯

中鄉試辛未成進士選庶吉士散館外調授潞城  
令兩期擢知陝西之寧州其在潞興水利清驛站  
勤考課立社學尤慎於用刑倣呂叔簡刑章入戒  
率爲法程其在寧無改每春夏刈麥時停檄不下  
雨暘失敘出積穀平糶請題分年帶徵曰吾寧拙  
催科不忍重困吾農民也肺病乞休一夕卒於公  
署

惠周惕字元龍號研溪由東渚遷東城之清溪溪流  
環繞有紅豆樹蔭其上惕家焉少從明孝廉徐枋

遊得其指授凡周秦以來文章大家及漢魏詩篇  
樂府靡不究其源委擷其菁華年二十餘擬解南  
闕主司以文太古中乙榜卽客遊四方交當世名  
士已未將以鴻詞徵父艱不與晚而學益粹文益  
醇汪堯峯琬以古文名於後進少許可獨於周惕  
常援永叔稱子瞻語曰讀此人出一頭地康熙庚  
午中京兆試辛未成進士入翰林年已五十復以  
國書不通曉外調密雲令卒於官著有詩說三卷  
古文三卷研溪集十卷



范景字聲佩祖周順治己丑進士居閬門下塘之長  
船洪景舉康熙浙江辛酉鄉試出湯文正斌門以  
名行自持庚辰成進士任輝縣知縣官署蕭然如  
僧齋學舍有故人訪之藿鹽相對留數日別去語  
景曰吾聞縣中某處舊例若干可得君何不取景  
曰吾清夜自思寸心無愧勝於多金矣事上官不  
諂常上謁郡守守家人有過景坐府門召之出予  
大杖一府震驚景不爲動曰吾所以成府公也遷

俸廬州卒於官

汪份字武曹沂州知州希汲孫舉昌同知元綱子年  
十四適大父任大父有政聲以官逋繫獄份侍側  
讀書連日夜不休獄吏奇之旣長益發憤於學聞  
戶部驛使思汪想欲壽踪古賢選時藝講虛實變  
化提挈穿合之法四方宗之所論譔四書大全四  
十四卷唐宋八家文二十四卷行世外有易說八  
卷樂說四卷天文考四卷兵制考四卷溝壟考四  
卷黃河考四卷鹽政考六卷學校考二卷錢幣考  
二卷並精核可據中康熙己卯鄉試癸未會試入

翰林甲午典粵西試庚子視學滇南方奉勅卒  
年六十六其卒也貧幾無以殮不媿康吏後云

張大受字日容孝廉慶孫子居匠門弱冠卽以能文  
稱歲庚午舉於鄉庚午得人之盛爲本朝鄉薦

第一大受在選中魁其經其文傳播荒陬陋陋無  
不知有夫受者大受名日起詩古文辭日益工四  
方名士投轄造門無虛日置酒論文譚經講藝門  
庭之盛無與儔者時同里韓宗伯茨操文章之柄  
經品題者如登龍門獨推許大受大受亦勤於接

引遊其門者多至大官而大受七上公車始得  
第入翰林年五十餘矣丁酉爲京兆同考官庚子  
四川典試甫復命卽命視學貴州每衡文多所拔  
擢興學舉賢蠻俗爲之一變

世宗皇帝聞其清廉命留任三年疾作卒於官年六十  
有四著有匠門書屋文集三十卷弟士琦字天申  
康熙甲子副榜知江西永新縣有政聲子縉初辟  
生亦能文

顧嗣立字俠君考功郎子咸子少儻好學尤深於

詩始得力元人虞楊諸家後乃出入三唐擬昌黎  
眉山之勝詩益工交益廣築秀野草堂海內知名  
之士來吳者無不造門賓客酬酢不少倦而故交  
貧士之賴以給者日常數十歲己卯

天子南巡與舉人張大受同召見御舟卽於是秋  
薦京兆已而纂書殿閣至壬辰特賜進士入翰  
林迄散館咸謂文學侍從之選無踰嗣立者而竟  
不得留遂襆被歸里放浪山水詩酒間所著有秀  
亭堂集昌黎飛卿二家詩注元人詩詩林韶

等書卒年五十八兄嗣協廣東新會令未宦時於  
秀野草堂西築依園讀書其中與金侃潘鏐黃份  
金賁蔡元翼曹基酬唱往還時號依園七子

劉石齡字介于孝子龍光子少穎慧博通經史絕意  
進取篤嗜古學遂以能詩名尤工五言嘗北遊恒  
嶽南窺衡湘踰大庾登羅浮探奇歷險發於詩歌  
故其晚年詩益清遠奇麗詹事陳元龍宗伯韓葵  
擬薦之朝石齡不可卒以布衣終所著有瓠容草  
堂詩粵遊小草集六卷

謝志發字雲翼父文昌通書經學有撰著志發紹述  
之四十後專工詩坐一角山樓晨夕苦吟每一詩  
成常三五易藁中夜旣寢有所得必秉燭改定人  
問其故曰作詩一句一字不可不求其安所著有  
一角山樓詩稿

蔣濟選字覺周長洲生以經書友教吳中每講期聽  
講者環坐館舍幾不能容嘗謂學者於四子書宜  
先冥心搜索思路斷絕然後取朱元明儒先語証  
之其爲制義穿穴六籍不隨風氣無事日課一文

故篋衍所藏獨多然當時名下士俱得高位弟子亦相次取科第去而濟選褐衣疏食以老恬如也先是吉水李學使振裕選拔貢生於長洲得佳卷二一爲張映葵一爲濟選問學博誰最貧學博雅重濟選對蔣生貧學使者意恐家貧無力辦部費數十金學博意適相左也遂拔映葵生平遭際多類此辛卯鄉試房考以首卷薦至司指禮經語爲類斥之至是無心應舉矣越二年歿門人祀吳端仁書院中以少時從端仁受經也



陶唐諫字正吾周莊人嗜善無厭壯歲遇鄉農葬親於所佃田辭田主訟之官將毀塚唐諫令遷葬已田中田主甚慙有地師寓吳寄白金百金歸後三十年其孫來吳詢之兩世奄忽矣哭之慟以所寄還之封識宛然其孫不知也所居相近有急水港爲往來要津向無渡船每風雨辰民苦不堪唐諫設方舟濟人捐田畝所入以食舟子晚歲爲善益力賑饑者衣寒者藥病者棺殮者歲無虛日終身如一日也初年四十餘無子有相者相遇曰君陰

行善當生令子矣四十三果生子後年九十一見  
四代與賓筵考終邦人謂之備五福焉同時有張  
處士士隆字君茂張家港人嗜善不讓唐諫康熙  
丁巳大疫村民遍染人不敢叩門士隆按戶親給  
醫藥全活甚衆庚申常州饑流民至吳傾囷倉活  
之唐諫之設渡利涉也港在長洲縣界今屬元和而吳  
江縣界亦名急水港亦舊無渡船士隆亦割田設  
渡并設沈舍港渡遠近杠梁或葺或建補唐諫未  
足緣此兩姓屢通婚姻旣歿里黨思之至今數爲

善者並推陶張云

朱兆鶴字聞士號信天萬戶侯通裔孫王年長子王  
年天生孝友以文品世其家兆鶴祇承父訓敦孝  
弟研經史弱冠赴北雍試未售以奔喪歸痛兩親  
不及侍養輟晦杜門葺一室顏曰有懷供父母神  
像敬奉如生敦睦宗族親戚無力喪葬者必拮据  
爲之籌畫葬伯父母一家五棺教子孫讀書砥行  
以子周臣貴贈中憲大夫照入翰林再贈文林郎  
張渠成字師厚文靖公訥六世孫聲國子甫生一歲

而孤母孫夫人孫節自守瘁女紅得衣食以育諸  
子渠成長口授誦讀四子諸經皆母氏教也渠成  
性純孝念母苦節無以報思親身端已學成名立  
不辱所生故一言一動惟恐越規矩外穿穴古今  
無寒暑間年二十餘補博士弟子員爲文峻整典  
確六與省試不售母歿斷葷血食粗糲春秋薦享  
哭泣倍哀沒身如一日 詔徵孝友方正之士元  
和江令欲薦之渠成堅辭江令益重其人聘修元  
和邑志纂紀詳核字不苟下志稿告成渠成與有

力焉積館穀葬父請旌母節諸兄欲分任其費渠成力却之祖父分授田畝作爲祭田不留分毫江令遷太倉州守延爲西賓渠成得疾州署歸舟過崑山卒於途年四十六

陳樹珏字禹烈長洲生都御史璠之後性至孝讀書力學不以貧廢業每應舉必五經丁父艱哀麻不釋服將除適逢承重服除又丁母艱如是者九年帷堂之外未嘗易榻三禮經都成誦平生學樸而醇卒以不售古稱獨行君子珏庶幾焉子燦簡字

延接讀書立品克類其父孝亦相似侍父病致疾先父卒

朱奕恂字恭季長洲學生讀書外無事經史子集靡騷文選能熟精貫穿爲古今文精光熊熊尤長駢體比周之子山唐之義山宋之后山能顧英咀腴不在面目也生平無疾言遽色不言人過友朋過從坐陋室中終日談討如和風着物使人矜躁都釋試輒冠舊學使者以能識朱生文爲重而奕恂謙抑自下若無能然秋試屢擯無幾微不平色作

反窮鳥賦以見志人益重之晚歲喜讀未見書手  
錄數百卷皆丹黃鉤貫年六十餘卒

張錫祚字偕行更字永夫始居南園徙葑門塘之歸  
村又仍居南園最後徙下沙塘屋不過三間筇屐  
書卷外別無長物東野移居詩借車載家具家具  
少於車蓋寶錄也客至時不著冠對素心友齒在  
已下者不讓坐每晨突不煙家人以餒告曰古人  
有三旬九食者先生肯爲而輩擾耶性好詩時時  
苦吟品如空林殘雪鶴鳴秋曉年五十二歿無子

友人謀葬於靈巖山麓高士陳炯題其銘曰詩人  
張永夫墓

顧光世字岸霄長洲廩膳生以厚倫睦族爲已任從  
祖前明侍御宗孟立朝介節未與祀典請於大吏  
得舉行嚴於享祀嘗謂子姪言事生事死不外一  
誠萃渙合離不外一敬誠敬二字豈易得到然離  
却便不足爲人生平得力在此年六十餘以歲貢  
生將補訓導嘔血歿由少時哭母成疾終身不能  
瘳也著有周易大意性理大意禹貢輯註孝經輯



註等書

謝有輝字立夫葑門人由長洲學生中雍正甲辰鄉試選懷寧教諭每朔望宣揚

聖諭訓飭士子以敦行立節爲先學宮禮器殘缺率先辦治將事之日齋肅恭敬觀禮者稱極盛焉計典卓異授浙江處州縉雲知縣仁心愛民非重犯不加撲捱聽訟時如家人子弟諄切勸諭之兩造各不爭革除陋規徵收自正供解費外無絲毫贏餘自賣田畝爲民代完有解無徵銀兩乾隆丁巳

秋緒雲風雨災田禾被傷有輝也病勸災越嶺  
溪犯寒暑中病卒年七十三著有纂訂古文賞音  
二十一史南北版譌異

徐陶璋字端揆號達夫明都御史源裔孫中康熙乙  
酉鄉試乙未捷南宮廷對第一官翰林院修撰  
學問志行實與名稱時論以公輔期之丁父母喪  
三年泣血未嘗見齒補官後分校禮闈得山左鄧  
鍾岳亦臚唱第一一時謂衣鉢相傳後乞假歸杜  
門埽軌時穿穴六經采取漢唐宋諸儒註疏以折

中每午夜不倦乾隆元年補前職充纂修

官晨入暮歸不言勞瘁歷二年卒生平居心和厚曰繪薄則裂器薄則缺薄未有可久者人有非意加者曰我置其不善而思其善則蒂芥不留於胸矣聞者以爲格言兄模戊戌進士亦以文行稱朱照字謹涵號喜墨兆鶴子早失怙晨昏痛親無懼容讀父書泣數行下奉母能先意承志溫清定省自幼至長無一日懈母歿哀毀骨立經營喪葬誠必信留心經史制義直抒所見不落小家爲人

高舉識見過人而謙和醇謹仍不敢少縱歲辛卯  
舉於鄉成成進士入翰林旋歸里門不接戶外  
事惟讀書課子嘗言經學之失在析理而不証以  
事每失之窳渺史學之失在綜事而不繩以理每  
失之支離又嘗采禮經註疏彙爲一編曰此吾家  
故業也乾隆二年詔開三禮館廷臣薦照編輯  
既任職纂研考訂以勞悴卒著有禮經彙解全集  
史胡二十帙息軒雜文集若干卷

崔樹字玉生家封溪里應院試年才十二學使者奇

父令覆誦五經三傳三禮爾雅如瀾翻又命講  
易及言及觀漸二卦大義通曉補長洲弟子員稍  
長益探究理學經濟諸書嘗榜其書齋兩楹曰文  
以載道毋玩物喪志學期濟世勿謀利計功年二  
十一遭大父喪遽以毀卒大父兆彪仕比部主事  
宦歸生計蕭然樹方遠之亳州謀館穀以佐親經  
營甘旨比毀家不及視大父含殮哀傷踰節遭疾  
而殤所遺未婚云樹之死於孝固可傳匪獨才而  
早死足惜也父明經名仁亦素著士行

惠士奇字仲熊周惕子爲諸生有聲壇坫康熙戊子鄉試第一己丑會試選庶吉士授編修視學廣東學士兼知寶學士奇教以誦習五經三禮三傳士蒸蒸回學文風丕振爲粵東數十年學品冠世宗憲皇帝知其並命再任三年累遷至侍讀學士以體統觸忤貴介蹉跌歸先是周惕作詩說士奇作易說禮說春秋說配之人謂惠氏經學傳家

今上登極起補侍講纂修三禮旋以老乞休歿粵東人士祀於韓山昌黎公位側著有歸耕人海等集

子棟能世其家學註王士正精華錄嘗以經學薦  
韓孝基字祖和英子中康熙己卯鄉試庚辰會試選  
翰林院庶吉士時英爲掌院學士父子同官禁近  
而退然自下一如單門寒素英歿家居養母二十  
年不出

世宗憲皇帝 召修明史分纂英宗及景皇帝本紀於  
北侍奪門登極守禦諸大事考據實錄叅覈野乘  
審定是非直伸褒貶合良史法書成移疾歸掌紫  
陽書院教以前民法脉引掖後學文風以正

今上南巡迎

駕行在

上念先朝舊臣書家學者僅賜之孝基教子孫毋以門第相高勿以語言相競識者謂孝基能守父家法云年九十歿

吳紹鑑字嗣宗號東樵少師張孝廉慶孫能以古文筆法爲時文工詩山陽許給事志進來吳獨賞之結兄弟交而去屢試南北不售與惠侍講士奇交士奇視學粵東引以爲助校文之暇弔古詠懷遊



歷愈廣詩格愈高識者謂得江山之助邑令以孝廉方正薦就聘修元和邑志與沈尚書德潛分立人物志故家名德紹敏任之高人才士德潛任之楊編修繩武題其後曰沈老於法恬於詞骨勁氣清意愜事核今之子固也顯肆於才雄於氣以議論入敘事以馳驟見紀律今之子瞻也志蓋出二人手云

彭正乾字存誠定求子胚胎前光恂恂自下絕去貴介習稟承庭訓校輯先儒諸書師事王少澗手俟

後一編敦行不怠試省闈既薦不售退益自刻苦  
研鍊經義具有法程居父喪獨致哀毀既葬猶泣  
慕不止教子孫常舉先世舊德反覆申繹屏去文  
飾一歸篤誠吳中人士推爲篤學閭修盡倫無憾  
嘗主鄉飲賓席以子啟豐貴贈吏部侍郎

徐夔字龍友縣學生高祖明通政司如珂魏璫矯旨  
逮周忠介順昌吳民擊殺緹騎巡撫毛一鷺入告  
欲盡誅吳民如珂以危言正諭激發黨宰臣顧秉  
謙秉謙哀懇魏奄得以保全夔清門賢裔能文章

兼工詩歌有聲藝林家貧館穀不足供母甘旨遊  
京師僻處蕭寺不謁貴人居半年無所遇歸惠侍  
講士奇視學廣南邀之往歿於其署抱才范鬱吳  
中人士咸悲之嘗箋註李義山詩王尚書士正精  
華錄極其典核有凌雪軒詩藁其女刻以行世

徐葆光字亮直壬辰科第二人授編修長身玉立儀  
表秀偉詩文雅贍兼工書法康熙間充

冊封琉球副使 賜正一品麒麟服順過吳門鄉人  
榮之歸撰中山傳信錄平生交最厚者爲陳周震

字彥瑜少葆光二歲與葆光同日補博士弟子員  
儀表文名亦相埒時謂一瑜一亮以歲貢生終

宋匡業字鼎來鄱陂時卽能曲承父母顏色人稱孝  
童父德受謁選京師歿於邸舍哀號奔喪幾致毀  
形與人言輒流涕終身如一日母歿亦如之從兄  
歿寡嫂無依分屋居之嗣以已子親友急難傾家  
拯恤不足典揭以應身處盛族淡於榮利究心先  
儒語錄奉行朱子家訓謙退謹約無疾言遽色而  
遇事誠篤不欺不校里黨奉爲楷模雅好吟咏生

平嗜梅詠梅詩成帙因號梅亭以子宗元貴贈中  
憲大夫按察使司副使弟勤業字彬來與兄同迎  
父樞事母同備色養任四川順慶府通判陞山西  
澤州同知勤慎任事三攝府篆並有廉聲引年家  
居不與戶外睦宗族厚朋舊介而能和蓋兄弟齊  
行者

荆準字欽萊號迂邨諸生世居甫里中年遷吳之臨  
頓生平無機心械事不欺人亦不虞人欺刻苦爲  
詩年二十裹糧遊武昌沔漢不謁一人居近皮野

與陳培脉及其兄永銓倡和嘗隨沈尚書德潛至京師遊京師者皆聲名利準獨超然名利之外居半載興盡歸尚書歸田偕遊黃山雲海得詩數十首不事生產有無悉掌之其配蔣晚年蔣歿庶母弟不弟屢侵虐之遂破其家病於枯寺昇至永銓家卒著有虛室吟稿瓢中鶴阜玉楮人海黃海諸集永銓字允武並能詩希風開寶仰窺漢京好逸處與架上古人爲緣四十以後棄諸生足不出戶外并不見一人時人以準爲迂永銓爲僻二人皆

終身寡過者培脉字樹滋少負俊才與諸才士角逐名場衆人皆升雲路培脉獨老於諸生詩宗盛唐爲新城王尙書士正所賞平生足迹半天下晚歸依李中丞馥處境困窮不知其窮也年六十餘卒

嚴禹沛字武遷號西園世爲常熟人曾祖始遷甫里遂籍元和康熙戊子舉於鄉乙未成進士任甘肅中衛令時

王師征準噶爾軍需旁午禹沛身與督師者抗都糧

外一不應督師欽哉去後至者以犯強項令爲戒  
民困乃甦縣徵雜糧條目零星吏借對色爲奸利  
禹沛令民通融交納統計其數而給之照奸滑驚  
服積弊頓革嗣以親老陳情改教六合造就人材  
甚衆謝歸色養閉門却掃讀書賦詩以終著西園  
草堂詩文集六卷

元和縣志卷二十五

人物